



**Komisija za boračka pitanja**

Broj: 01-04-123-7/23

Sarajevo, 20.11.2023. godine

POSLANICIMA/ZASTUPNICIMA U SKUPŠTINI  
KANTONA SARAJEVO

VLADA KANTONA SARAJEVO

Komisija za boračka pitanja Skupštine Kantona Sarajevo na sjednici, održanoj dana 20.11.2023. godine, u skladu sa nadležnostima utvrđenim Poslovníkom Skupštine Kantona Sarajevo, a u funkciji pripreme Dvanaeste Radne sjednice Skupštine Kantona Sarajevo razmatrala je materijale koji su predloženi za dnevni red ove sjednice Skupštine i u skladu sa članom 27. Poslovníka Skupštine Kantona Sarajevo, podnosi Skupštini

**IZVJEŠTAJ**

1. Nacrt Budžeta Kantona Sarajevo za 2024.godinu;

*Komisija za boračka pitanja razmatrala je Nacrt Budžeta Kantona Sarajevo za 2024.godinu i isti nije podržala jednoglasno (5 "protiv"), uz sljedeće Zaključke:*

- 1.1. Komisija za boračka pitanja se ne slaže s Nacrtom Budžeta Kantona Sarajevo za 2024.godinu jer je predloženo smanjenje cjelokupnog Budžeta za 13%, dok je smanjenje stavki za Ministarstvo za boračka pitanja KS čak 20%.
- 1.2. Komisija ne prihvata stalni trend smanjenja iznosa Budžeta na stavci Ministarstva za boračka pitanja KS te smatra da isti mora ostati bar na nivou iznosa od prošle godine.
- 1.3. Komisija skreće pažnju da se Prijedlog Budžeta KS za 2024. godinu ne smije usvojiti ni u kom slučaju, a da se pri tome zadrži stavka „zdravstvena zaštita boračke populacije“ (Ekonomski kod 614 200) u visini 0 KM, što je u konačnici smanjenje od 2 miliona KM za tu stavku, sve dok se ne bude zakonski regulisalo navedeno pitanje putem Zavoda zdravstvenog osiguranja KS i obezbijedila neophodna sredstva za potrebe zdravstvene zaštite boračke populacije. Osnovni razlog je što bi se ukidanjem sredstava za ovu stavku dovelo u blokadu izvršenja planirane stavke u periodu dok se zakonski ne reguliše zdravstvena zaštita boračke populacije preko ZZO KS. Ova situacija može trajati više mjeseci, zbog duge procedure izmijene propisa, te bi u tom periodu zdravstvena zaštita boračke populacije bila finansijski neobezbjedena.

- 1.4. Moralna obaveza Vlade i Skupštine Kantona Sarajevo je da u svakom segmentu zaštite osigura dostignuta prava boračke populacije u Kantonu Sarajevo i ista unaprijedi po mogućnosti.
2. Nacrt Zakona o izvršavanju Budžeta Kantona Sarajevo za 2024.godinu;

*Komisija za boračka pitanja je razmatrala Nacrt Zakona o izvršavanju Budžeta Kantona Sarajevo za 2024.godinu i isti jednoglasno nije podržala (5 "za") iz razloga navedenih u Zaključcima iz prethodne tačke.*



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-055, Fax:+ 387 (0) 33 562-210  
Web: <http://skupstina.ks.gov.ba>, E-mail: [skupstina@skupstina.ks.gov.ba](mailto:skupstina@skupstina.ks.gov.ba)

2/2